

地220.23
41
部=8

重修高淳縣志

辛部

卷二十三

貞女

烈女


卷二十三

貞節

卷二十四

貞節

雙節



高淳縣志卷二十一

列女 人物十三

貞女

明周氏有勲女名孫妹秉性端重寡言笑坐處終日不移許聘溧陽彭應驥爲妻卜期于歸應驥卒訃至孫妹焚粧具固請於父母奔弔遂留守焉事舅姑以孝稱家貧親操井臼紡績織紉致甘毳爲養後以勞瘁瞽目一日忽復明見仙女執幡幢作謁迎狀遂卒卒時空中聞鼓樂聲異香氤氳滿室經日始散鄰里皆歎異之年四十八

國朝吳氏渤臣女許字魏大綬大綬病篤氏年十六迎過門未婚而大綬歿氏成服不復歸甯孝事翁姑慈育夫弟子爲嗣勤操作自謂逸則涪涪則忘善生平不妄言動雖比隣罕識面後見

高淳縣志

卷二十二

列傳 貞女

一

嗣子籍於校乃卒年八十餘雍正十一年 旌表

谷氏明發女許聘邢僑爲妻未嫁而僑死時年二十聞訃卽欲奔喪兄庠生之幹力阻之後選采訛言起得歸邢屏膏沐孝敬舅姑撫夫兄子爲子逾十五載以疾終遺言與夫合葬邑進士張自超爲著貞女論乾隆八年建坊 旌表

王氏許字李允繼未嫁允繼歿氏聞訃堅臥不食父母諭之乃曰兒業已笄繫於李卽不死願歸李氏父母憐而許之氏事舅姑極謹舅姑憐其志更嘉其孝尋以允繼弟子爲之子現年五十五乾隆十二年建坊 旌表

張氏懷珮女許聘劉世瑋爲妻年二十未嫁而世瑋病故訃至奔喪成服守節父母哀之迎歸而欲奪其志氏抱所繼子拾石投諸河曰石浮吾乃嫁耳遂還劉永不歸甯氏事姑育嗣子備孝

慈紡績一室未嘗窺外乾隆十三年夫兄孝廉夏上其事建坊旌表

以上已旌貞女

元凌氏永甯鄉凌進二女許聘里人王純之姪未適而夫卒純欲謀爲妾女執義不可自經救免後依兄子終其身力事紡織備嘗艱苦無悔年六十餘卒

國朝楊氏許邢之琇爲妻未嫁之琇卒氏堅志自守或勸之氏曰業許邢門有夫婦之約無改字之理坐臥一室晝夜紡績依母氏以終

魏氏朝間女許字吳涵甫之子邦瓚旣請期而邦瓚卒氏年十八聞訃暗自傷悼隨請於父母奔喪不許固請許之比至則哀慟欲絕易素縞誓不返父母與吳父母俱惶惑未知氏志且念貞

高瀆縣志

卷二十二

列傳 貞女

二

操非旦夕事慰諭之再三氏乃祝髮見意請立夫從子而撫之紡績苦守年五十七卒

吳氏吳茂賢女許聘姜培榮爲妻年十八未嫁培榮卒氏聞訃慟絕復蘇隨請偕父母奔喪及葬欲以身殉姑及父母再三慰諭之始節哀曰誠依命則願留事姑爲夫立後於是族人爲之繼一子孝慈兼至無何姑歿所繼之子歿氏傷心成病尋亦歿族人哀之復爲繼二子後之

許氏許以秀女年十九未嫁而夫黃日肇病歿訃聞固請於父母奔喪服闋或憐其年少勸他適氏以死誓族人遂爲之立後守貞至今近三十年無間言

韓氏夫卜士忠嫁之日夫暴死氏痛絕復蘇誓不再適後有逼之去者愬之官邑侯李襲祖獎諭之懲其人氏操日厲越今二十

餘年不改

孔氏父鍾貞幼許邢麒書爲妻未嫁麒書歿氏聞訃奔弔哭柩前誓死守家貧紡織度日已二十餘年

王氏女許字邢昭蓉年十五未婚而壻歿歸邢守貞歷六十一年陳氏女許字邢哲譔年十六未婚而壻歿歸邢守貞四十三年

陶氏女庠生陳飛鵬之婢也飛鵬早逝妻邢氏欲以身殉女年十六泣諫之而止由是終事不嫁伴邢撫孤守貞歷二十年邢氏歿哀毀絕粒者數日乾隆丙午年已七十三主母邢之孫庠生佩青天逝悲悼以終

蕭氏女許字經之泰夫亡歸經事孀姑惟謹守貞四十餘年乾隆十年旌

邢氏女許字孫朝聘年十九聞夫訃服喪歸孫立姪孫興恕爲嗣高潛縣志

卷二十二

列傳 貞女

三

守貞四十一年乾隆三十年旌

張氏女許字劉士佐年十六聞夫訃歸劉守貞四十五年乾隆三十三年旌

胡口朝女幼許字楊中進爲妻氏父卒依母膝下後進卒母爲之另聘與吳姓氏曰旣許楊門卽從楊氏母曰彼死奈何女曰從於地下強之自縊而死年甫十六

太學生夏德明第三女未婚矢志終老閨門年五十一卒

夏傳昇女年十六未婚守貞 夏綳長女三妹未婚守貞

邢氏球姑許字孫位朝將娶而位暴卒女聞訃泣求奔喪祖母憐其志與之偕行至謁舅姑撫棺慟矣暈絕復甦者數次旣殯或勸女回女曰此吾家也更焉往自是敬舅姑和妯娌立嗣撫養備極恩勤邑侯旌以額曰貞孝性成年五十四卒

劉氏庠生廷彥女許聘宣邑月牙塘馮寬八爲妻未嫁而寬八卒女聞訃奔喪卽成服守貞以終

王氏女許謝志魁爲妻年十九夫病篤過門未婚配夫故翁姑聽其守孝越三年翁姑奪志父母擇婿幾歲事氏投水中輟未幾有少年與翁姑說合與佞婦多方歆動氏忿剪髮矢志清守四十一載年六十無疾終

孔氏女許邢日愷爲妻年十六未嫁愷亡從父來奠哭泣之聲哀動鄉鄰月滿父勸之歸氏辭曰吾願事舅姑以終守祭祀以撫螟蛉子父見其誠遂去氏遂以守貞歿

蔣氏有尙女許宣邑小檀村陳世懋爲妻年十六未婚守貞業經奉旨建坊

荀氏女許禹育祿爲妻年十七未婚祿已逝世父母許其往省墳高澹縣志

卷二十二

列傳 貞女

四

墓強之歸家痛哭數月而卒鄉里共憐之

楊氏女許黃葵隆爲妻接往侍病見夫病篤割股進藥不幸而亡時年十六未婚守貞堅若冰霜至八十三歲終

何氏女許路祥忠爲妻年十八未婚守貞壽至七十六終

周氏女許字趙志樸年十八尙未歸夫亡訃到與父母同至夫家送葬三日後父母欲偕歸氏不允抽刀斷指誓不再適苦貞終身九十一歲卒

又王氏夏傳法聘妻詳節婦傳

楊氏其忠女催弟許字吳模鰲鰲病篤氏年十九迎過門未婚而鰲歿氏成服不復歸故事翁姑勤勞操作言笑不苟慘遭兵燹吳門俱歿父母哀之始迎歸始終如一歷久彌堅至今三十餘

年遠近內外俱無間言云

訓導郭宮桂獎額松筠著節

孔氏毓誠女貞媛年十九許字舖頭邢幹爲妻尙未完婚不期幹

病故女素明大義不事二夫父母念其意誠許之即在母家守貞逾二十五年卒

劉氏廩生文蔚女蔚與王統紀父同學指腹訂婚氏年十五紀夭

父母欲為另聘氏堅執不允遂在母家守貞蔚卒後事母撫弟茹素終身年四十六歲卒歸塋家葬焉

貞烈

清楊氏許宋家虬為妻年十八未嫁有殊色順治乙酉兵下避難

當塗之湖陽適遇兵被掠之去不從以刀脅之固不從慷慨憤罵見害後其父哭而殮之左右皆皆繼

李氏父居漣聘許陶姓嫁有日矣歲荒陶姓子流亡無去向氏曰

是吾夫也愆期以歸何咎遂待之逾七年或欲奪其志遂投繯而死時年二十六

周氏李祿臨妻幼許字李年及笄父以婿貧乏決計改字女知之夜半赴溪死

劉氏彥陽女與母某氏為兵所掠不辱俱赴水死

魏氏黃心水妻年十六未歸被匪強逼堅執不從殉節而亡

孫氏李則茂妻年十八未及婚粵匪入境迫脅不從赴水而死

高淳縣志 卷二十二 列傳 貞烈 五

張氏兆廣女年十七咸豐六年粵匪入境賊執欲汚其身不從賊逼之投水死

孫氏壽林女年二十許字孔廣增賊至悲見辱因泣曰與其畏死受污不若舍身完節遂赴水死

孫氏紹利女許字李正祥次子賊至被執潔身不辱乘機赴水死

夏氏叔翰女因夫亡不肯字人遂死節

劉氏文生李輝聘妻年十一咸豐辛酉粵賊入境迫之不從刺以矛赴水死

魏琳姑許聘李昭根年十八未嫁有姿色咸豐初粵匪將至即與

嫂約賊至惟有赴水死否則恐被污及賊至姑果投水

孔氏謝貞鶴養媳年十八尚未婚配同治元年避粵兵於固城湖濱被逼投水死屍浮水面十餘日面如生

烈節

宋余氏銀林市人少寡貧甚淳熙十年里中惡少景佐欲污之不

從脅以刃卒不從遂死知縣王衍置佐於法表其里曰節婦里

周氏庠生劉應庚妻德祐時兵至所過剽掠氏被執潔身不辱罵

賊而死

元花山婦失其姓氏至元丙子值亂兵被執至崇賢鄉碑亭橋嚙指瀝血題詩於橋赴水死其詩曰君王有難妾當災棄子離夫被擄來遙望花山何處是存亡兩地亦哀哉相傳節婦爲田省五妻

孫氏劉桐妻至元間桐爲平江倉大使卒於官孫與三子二女守櫬會兵亂城陷三子皆被害賊掠孫氏欲犯之不從亦遇害二女長曰貞女年十八次曰潔女年十六賊脅之行女紿曰吾無所歸但父棺母弟骸骨暴露乞埋葬而行賊信其言爲瘞之隨至江濱攜手赴水死賊駭歎去

明王氏劉檜妻洪武間夫與翁姑及父母兄弟俱亡王年二十二無依里中惡少謀娶之不從一日有強逼昇之去者王曰命可高瀆縣志

卷三十三

列傳

烈節

六

喪身不可污遂自刎而死

陳氏知縣陳九齡女適庠生楊邦彥年二十彥溺水死無子陳不欲生父亟攜之勉存十載一旦告父母曰吾將往視故居乃至夫溺處亦投水死

王氏劉昂妻早寡子幼有李姓者聞其美欲娶之後賂其夫弟主持復遣老嫗通指氏聞大恚不從自沉水死

國朝趙氏金陵女也生而聰慧讀列女傳尤工書適岑明俊事姑以孝著生女三歲子甫週避亂湖陽兵執至塘溝舟行中流氏躍水死婦女相繼死者二十餘人後追至得子女見氏屍浮如生撈而瘞之女尋死幸存一子實天所以繼岑云

諸氏陳无過妻乙酉亂起爲兵所執號泣罵詈口不絕聲觸兵割腹而死无過亦受刃

錢氏曹宏昌妻年十九負二歲子懷兩月孕舉家避亂湖中兵執姑陳墮湖氏投水救姑兵舍姑執氏俱不得一門溺死慘節可憫

陳氏張司扳妻年二十遇亂兵掠去至水濱給兵曰吾渴思飲求暫釋遂投水死扳慟尋亦卒

楊氏王汝梅妻年十九亂起有兵入汝梅家梅父錫蕃負母走梅急衛去勿顧楊氏氏匿稻田中兵搜出扶上馬氏揮腕落地受數十刃死田中至今血跡屢耕不沒

魏氏王錫堯妻年二十三兵初亂誓曰吾若遇兵惟有一死兵至氏抱子先臨澗側兵漸近投水而沒家人追尋數日屍浮抱兒如縛兩手不解

劉氏年十五適長蘆楊啟龍不三載夫亡苦守撫遺腹子正化成

高瀆縣志

卷二十三

列傳 烈節

七

立姑病篤割股以救娶媳陳氏得孫一日兵至子被執罵賊投水死媳避兵湖東聞變泣歸塗又遇兵亦赴水死氏撫孫自活子以犯賊死媳以全節死

柳氏柳汝杰女適孫尙策孫夭卒柳誓不他字尋抑鬱不食死

杭氏年十六歸李思泰未幾夫亡族屬利其去危中之屢縊救甦終不能奪

王氏庠生孔應珂妻吳氏孔應琪妻妯娌同舟避亂花山與兵船相觸俱投水兵揪拽起罵不絕聲兵加刃仍躍水一婢從之撈掩湖岸三閱月家人尋至掘殮三屍如生人咸驚異孝廉吳會暉作文記其事

乙酉兵亂邑之長蘆被禍滋烈一時婦女甘死以全節者數十人詳記於後

夏望妹夏中義女年十五遇難隨母趙氏投新橋溺水死

夏安妹夏近奎女年十四遇難被掠至塘溪投水死

夏邦綬女年十八遇難被掠碎首斷臂不屈死

芮氏夏延榮妻 邢氏夏延華妻 楊氏夏延富妻遇難妯娌三

人同死

錢氏夏謙亨妻 陶氏夏近蕙妻 韋氏夏正吉妻遇難姑媳三

人同死

楊氏夏巨亨妻 孔氏夏期亨妻 陳氏夏福卿妻遇難同投石

曰湖死

夏氏蕭德宇妻遇難負子溺水三日浮出母子相抱不解

吳氏夏昌賢妻遇難置子水涯以存夫後自投水死

陳氏夏延齡妻遇難給賊釋夫自投水死

高淳縣志

卷二十二

列傳 烈節

八

夏氏袁鳳陽妻見夫被害罵賊不從死

夏氏劉永時妻 邢氏夏學應妻 陸氏夏建賓妻 夏氏邢掄

芳妻遇難同負子投水死

王氏夏建庠妻遇難不從碎首斷股死

許氏夏正身妻 祖氏夏近禮妻遇難不從同被戮死

夏氏庠生楊楚妻 張氏夏延元妻 夏氏邢復中妻 徐氏夏

學瑞妻 夏氏趙茂明妻 史氏夏之久妻 夏氏楊尙文妻

遇難同赴水死

孫氏夏延昌母 管氏夏延昌妻遇難同投水死

劉氏楊逢翰妻乙酉六月兵登舟姑赴水氏不忍舍乃左手抱姑

右手抱十四日兒投水死屍浮猶相肘抱同時楊存顯妻陳氏

夫死誓守志避兵舟中預以瓶儲水繫身曰倘入水易沉無浮

也果兵入舟赴水死

孔氏陳光懿妻賊至強逼之氏罵賊不從賊斷其右臂復刃其頭
顛而死

曹氏徐德妻德窮困欲賣妻屢矣以氏不從止後氏知德計決痛
哭達旦自縊鄰樹而死康熙丙辰九月十三日事

盧氏劉良知妻年十九夫亡無子氏欲身殉姑密爲之備不得死
絕粒飲血閱月八日而逝

夏侯氏韓楚生妻年二十遇兵入水兵拽起之數步復入水兵射
之中二矢死有同行婦還自兵中言狀里人魏吉弔以詩

孫氏邢汝龍妻申酉間有虞將軍起事汝龍從帳下後被收見法
氏棺殮訖自刎族人邢孟麟有詩哭之

孔氏李枝麟妻乘舟避兵湖中兵至諸人皆害以氏色獨留時一
月女在抱從容赴水死

高瀆縣志

卷二十二

列傳 烈節

九

李氏孫其彪妻夫死於水殮奠畢及旬自經於柩前時年二十四
楊氏陶士旦妻年二十四夫故無子家貧極氏大慟曰吾焉依哉
夫亡與亡耳遂於深夜赴水死

三烈婦者一張氏其二韋與魏皆胡姓婦夫曰一榮一華一富兄
弟也而三氏妯娌也乙酉盜起所過剽掠三氏誓同生死各紉
鍼密縫衣至裳無表裏及就執從容就道佯示盜無他志離家
里許一小河行至急相攜赴水死盜過撈而瘞之衣結不解手
握不開

張氏楊士勲妻子尙啟娶婦陳氏順治乙酉同遇兵見陳有姿色
欲掠之去不從俱赴水死

二邢氏長適夏 次許字陳未嫁父曰仕輜方明未盜入其家

家人俱竄匿姊適歸甯與妹俱被擄行至大葑圩密相謂曰擄我而不殺以色也不死且辱遂攜手赴溝葬清流中

史氏蔣正元妻其弟正吉妻萬氏乙酉兵至二氏俱美婦人年少不及避逼之去入水兵拽諸水二氏曰將欲我兩人從爾馬上乎未可也求生不得敢求死也遂見害

楊氏邢道純妻乙酉兵下村民皆遁跡氏恐孑身被污將在躬衣裳密縫之赴溝中死時年二十二殯無棺

陳氏邢道繡妻扶姑避兵竹叢中兵搜出釋其姑而執之赴水死僕婦王氏夫名助禮失其姓被兵執載馬上掙入水死

袁氏楊義妻洪武間夫戍雲南死子貞二負屍歸氏慟哭而殞合葬焉塚上生荆一株傍根處復挺一枝其葉則榆也異木同本人以爲義感云

高潛縣志

卷二十一

列傳

烈節

十

李氏姜于昌妻年二十一寡遺孤應嬰甫周歲家貧遺命撫立成人氏晝夜紡績課之讀書苦志二十五年應妻入邑庠怡然曰兒能繼先業吾可以報命於地下矣絕粒五日而死

楊氏吳錫智妻會春女楚之妹也遇難與嫂夏氏同赴水死

汪氏孔傳歷妻年二十三痛夫早逝誓不獨生葬夫已畢大慟投河而死

呂氏陳煥如妻年二十賊至被擄氏投水誓死不從賊矜其節釋之逃至固城夫飢餓不能起氏乞食養之夫勸其改嫁曰汝嫁則性命兩活氏泣曰前不失節於賊後肯失節於人乎俱餓死呂氏陳序勝妻年二十二賊擄欲污之氏誓死不從憤罵不止賊執至小澗村投水而死

史氏丁傳瀝妻幼字瀝將嫁瀝得瘋疾舅姑令女母另字女聞之

泣請於母願俟夫病愈母憐而許之守貞待字年二十八夫瘋痰如故歸丁門侍奉夫疾無怨色越二年咸豐辛酉瀝爲匪害氏憤極罵賊被刀傷赴水死

陳氏卞自珩妻青年守節矢志堅貞翁姑早逝咸豐十一年團練兵潰與女慶妹年十七由茅城灣過雙橋遇賊至恐被污母女攜手奔橋腔而死越數日得屍顏色如生

趙氏卞自宥妻年二十四寡翁姑俱有殘疾氏勤紡績供甘旨撫週歲子承祧咸豐十一年粵匪入境被執罵賊而死

陳氏楊源德妻年二十九寡艱苦守節撫子成家突遭賊匪母子被戕忠節兩全

王氏胡修忠妻年二十六寡撫孤守志貧無所依就食母家兵燹時塗遇餓夫奪子而食氏謂母曰子旣死余生何益遂於路旁

高瀆縣志 卷二十二 列傳 烈節 十一

拜別其母投水死

十一

時氏王銘瑛妻年二十五寡耐貧守節始終不渝粵匪至村滋擾氏閉戶坐餓而死

孔氏陳復連妻夫死氏激於義憤同日俱死

蔣氏陳正祥妻年二十四夫亡欲殉父止之不時痛夫成病亡

魏氏陳序林妻青年守節撫孤紡績爲業慘遭匪逼遂自縊而死
史氏甘憲善妻年二十九寡撫子成人守節十餘年粵匪入境潔身不辱罵賊而死

王氏史日喜妻年二十四寡孝事翁姑撫二子成立守節三十一年賊匪入境被殺

李氏夏毓春妻年二十九寡事姑撫孤堅志守貞遇賊不屈死
許學博大文長女名壽媛字漆橋孔次女名媛字駝頭李俱未

媿家中突遭回祿昏夜不及着衣逃出長女恥露體復回次女不肯獨生遂同燼焉一時名人哀之作二烈女墓詩父學博有哭二女詩十首今錄其四 妬我三閭縱一炬雙雙烈女殉房厨吾兒應恨空含淚灑出成珠禦火無 幾度傷心幾問天一回乾淚一稱賢若非回祿相吾子未必芳名伯姬聯 拾來紅葉孰題聯是汝口脂染色鮮添我欲枯眼內血枝頭灑徧咽寒烟 長女已屬上殤年次女中殤禮則然有日史官採烈節一雙姓氏香青編

孫氏黃以義妻年二十八寡矢志守節誓不他適里中惡少逼之再醮氏應之曰夫子既亡家境蕭條得爲富家之婦誠爲兩美惡少信之於夜間自縊死人聞之共爲駭異

魏氏監生王懷珍妻年十八寡秉性激烈不受強暴咸豐十年粵高淳縣志 卷二十三 列傳 烈節 十三 匪入境迫之投水而亡

王氏汪昌洪妻年十九寡撫遺腹子誓死不嫁遇賊不屈死
芮氏史承祿妻年二十三寡撫孤守節終不改志因匪入村欲掠之不從投水死

黃氏魏運元妻年十九寡守義不屈罵賊被鎗投水死
吳氏卞天禮妻年二十七寡閱三月遺腹子生勵志撫孤誓死不嫁咸豐辛酉遇賊掠之不從被殺

史氏時煥泗妻年二十寡剪髮毀容誓死不二咸豐間粵匪入村恐子身被污遂自盡

范氏張貞肅妻夫婦素和好肅故時氏年三十哀痛異常送柩出門立投水死

趙氏李遵錡妻年二十歲夫故慘痛哀號遂絕粒數日卒

一門五節

國朝邢氏陳鳴霄妻霄弟廩生鳴鶴娶武緣令李昌裘女霄兄弟俱早死二氏妯娌相敦以和俱割股救夫夫死相厲以節廩生相綬者鶴子也娶徐氏則兵備一范女也生子國錦而綬亦天徐亦守節如姑撫國錦入上舍既娶生子思灝思濟而錦又天於是其妻邢氏曰余姑暨祖姑伯祖姑俱以節見余親見聞之余奈何不嗣徽音遂以灝後夫兄國瑤而教濟復廩於庠繩大父曾大父武時復有夏氏爲庠生京綬繼室於徐爲同堂妯娌於邢爲從姑而李氏先邢氏之從婦也夫亡更早守節更苦子即瑤也旣成人而天因撫灝爲孫尤教之多義舉邑人邢孟麟以三世五節聞於有司雍正六年建坊

一門三節

高淳縣志

卷二十三

列傳

五節

三節

十三

濮陽氏楊懋藹妻年十九有娠三月藹歿撫遺腹子成立藹弟曰懋中娶孫氏年二十中歿無子藹遺腹子曰腹齡娶李氏年二十腹齡又歿無子於是二氏皆師濮陽妯娌姑婦悉以節表見貢生宏者藹胞兄憐三氏之節也以已長子後懋中使孫氏子之而以長孫後腹齡使李氏子之孫剗股療翁病訓子列上舍茹蔬終身李禮斗爲姑濮陽祈年後所繼子復殤宏尤哀之爲再立兩子以繼之

陳門三節皆庠生陳本英子婦也英三子俱業儒長魯次浩又次正魯亦庠生早歿妻孔氏年二十四守節未幾正歿浩又歿於是正妻曹氏浩妻王氏俱守節孔氏性最孝當魯歿二弟繼歿英夫婦益傷悼氏事之益謹且勸二娣毋慟慟無益祇傷舅姑心遂妯娌相戒勉各致婉愉以慰二老而暗携幼孤掩淚或相

對泣下王二十三歲寡曹二十一歲寡而孔氏哭夫喪明曹截髮與亡夫誓然閨門肅雖孤子互愛冰雪永矢則三人同云

右雍正十一年建坊

孔氏年二十一適吳待士逾二年而寡嘗割股療士病士歿父母勸之嫁不應事舅孝廉本周姑史氏唯謹無子繼夫兄之子殤復立其次同時有待摺待學者士昆弟也其早夭與士略同摺妻楊氏學妻談氏苦節孝行與孔頡頏同荷 恩綸歿並榮焉

右雍正十三年建坊

鄭氏李昌文妻昌文歿孤子生玉纔數歲氏二十七歲不嫁撫生玉成立生玉既成立授室以孫氏顧生玉亦不壽孫年二十五而寡撫孤孝養孀姑與同眠起及孤長名大立又不壽卒時妻黃氏年二十六方大立病革慮黃少而鄭氏孫氏俱在堂黃曰

高涇縣志

卷二上

列傳 三節

十四

吾祖姑以節見吾姑又節焉即有不諱吾與之為三矣遂剪髮誓而與之訣至今稱三節婦云

邢氏趙晉翼妻二十五歲寡而晉翼父母猶在堂子纔數歲氏曰是吾事矣遂養老撫幼孤不去二李氏者翼子婦孫婦也子養昭孫爾瓌皆早世二氏一二十七歲寡一二二十三歲寡皆依邢守節

右乾隆八年建坊

程氏史之雙妻子綸祖孫九仁一娶甘氏一卞氏之雙早歿程年二十四撫綸祖守節而綸祖與九仁年俱不永於是甘二十五歲而寡卞二十六歲而寡各撫子以節見程年七十八卒甘之卒也七十卞尙存五十四

胡氏許長生妻年二十六寡無子長生之弟曰振生婦王氏有二

子胡抱其長爲己子名以太榮越六年而振生歿越十二年而太榮又歿太榮亦娶王氏數月遺腹生一子於是二王氏皆寡矣皆不嫁胡卒後太榮二年二王氏卒頗遲

劉氏邢復朗妻葛氏邢復基妻朗與基親昆弟俱生子而天二氏俱年二十四守節而劉終身蔬食撫六月子節尤苦及子長名允全亦夭婦亦劉年二十七復以節稱三氏俱六十上下卒

劉氏張方伯妻生一子一女方伯歿氏年二十九不嫁方伯之弟曰寅伯亦早歿方伯之子曰廷揚又早歿弟婦徐氏二十四歲寡子婦吳氏十九歲寡俱無子俱依依誓與劉終身焉劉嘗割股療夫比年復蔬食

邢之門有三小妻而節者曰馬氏殷氏王氏夫君邢鉞以好義受恩寵得官三氏俱以色進鉞卒氏等正妙年誓不背負終身守

高潛縣志

卷二十三

列傳 三節

十五

夏氏邢履瑗妻二十二歲寡守節靡他履瑗之仲曰履瓊妻亦夏氏瓊卒氏年二十四季曰履珽妻馬氏珽卒氏年二十三俱與冢婦同志妯娌三節一年八十卒一五十七一五十八

一門兩節

明王氏尹氏庠生陳河洛妻妾也王年十八尹年十五前後歸陳河洛以割股救母死王截髮結夫髻削耳置夫懷血淋棺殮撫姪承祧仍爲庠生尹能與同心並著賢節萬曆四十一年巡撫王疏請建坊 妻妾同節

國朝卞氏陳其恩妻葛氏陳長齡妻其恩長齡父子也卞與葛姑婦也其恩歿卞守節撫長齡而娶葛氏及長齡歿葛曰其可使姑獨爲節婦於是俯仰依依人比之一嶺松一澗松云

右乾隆九年建坊

夏氏楊毓泰妻生子純恕毓泰歿氏孝翁姑撫純恕不嫁無何純恕亦早歿妻亦夏亦孝姑撫孤子不嫁兩夏氏皆二十七歲寡其卒也一年七十四一六十三

右乾隆十二年建坊

李氏適周應心二十三歲寡有三姑子克聖纔三歲氏善事姑教克聖成人而克聖亦早世其妻亦李氏仍善事姑撫幼孤成人知縣崔獎曰介福王母紀曰天永其操實兩世一操云姑之卒年八十婦卒六十

右乾隆十四年建坊

陳氏適劉定朝生一子定朝歿氏年二十一一家貧孤苦零丁氏針黹辛勤撫子娶婦克延其宗乃其子者開鵬也亦早歿一子婦年二十三家世故貧值兩世早夭嫠婦孤兒拮据婚喪貧益極

高涇縣志

卷二十三

列傳

兩節

六

陳氏爲婦慮謂未必人如已乃其婦者徐氏也仍日攜子針黹如其姑於是陳氏色動喜有婦且抱孫矣陳卒年六十徐六十

五
右乾隆十五年建坊 以上姑婦同節

夏氏孫氏袁自任子婦也夏夫曰強如早歿氏年二十五守節後三十六年而終孫夫曰高庠生亦早歿氏年二十四守節後二十六年而終強如子長昞高子觀俱讀書成名人以是益多二氏

右乾隆四年建坊

曹氏孔毓振妻虞氏孔毓拔妻振拔兄弟俱病瘋麻早世振未娶而病劇辭婚曹聞自盡父母解之訖歸毓振撫摩抑搔極苦辛無難色振卒姑慮其年少有去志飭之氏則悲甚泣姑乃益泣

虞氏在旁亦泣下時曹年二十八矣及拔之病也謂虞曰吾兄死此疾吾又將死焉汝無若吾嫂自苦虞以爲是疑我不能爲妯之節也乃截髮破面誓拔卒虞年二十四守節如曹二氏俱無子曹繼從子而夭

趙氏李大順妻孔氏李大顏妻二氏歸順顏兄弟爲妯娌相愛也勞則相先美則相讓事舅姑舅姑悅甚及順顏相繼後先歿舅姑又悲甚而二氏帥初各撫孤不去訖能使舅姑轉悲爲悅二氏俱二十二歲寡趙今年六十三孔六十一

唐氏年十七適鄭啓元又二年而寡又四十四年而歿氏頗識字夫歿時書不貳二字與夫訣後訖撫孤孝舅姑不去而夏氏者鄭啓朋妻啓元之弟婦而唐之妯娌也歸朋時年十八又八年而寡又四十二年而歿其不去而孝翁姑撫孤一以唐爲法然其孤皆不壽皆又撫孫

右乾隆十五年建坊 以上妯娌同節

明王氏進士王琮孫女也適鄉人劉璿生子鎧五甫四歲璿卒氏抱尸號哭一晝夜冀其復甦勵志自守撫子成人里人楊裕以女妻璿五二期鎧五亦卒衆以姑婦俱孀家貧不能存勸楊改適楊泣曰姑守節爲我夫也若棄之他日何以見夫於地下耶志節凜然竟以壽終邑人頁宇爲賦雙節詩有一家姑婦能全節兩世孫男不識翁之句

韓氏適柳校早寡誓不再嫁生子宗仁娶曹氏未幾宗仁又亡曹承姑志亦苦守而終

劉氏適李增科生子如璋科卒璋在襁褓劉苦守撫子成立娶媳田氏生子天玉亦方襁褓璋又卒田克承姑志茹荼堅守兩世

一心邑令方獎曰苦節可風

朱氏童彌妻二十夫溺死朱哭之旬日始於湖濱得其屍時子繼辛甫二歲立志撫孤娶媳王氏三載辛又卒或勸王改志王曰姑節以育吾夫夫亡不能終養心何忍且亡夫亦不安於地下苦守至七十三卒

國朝周氏年及笄適王啓陟陟患瘋望子甚急氏爲納妾戴氏逾二年陟亡各有遺腹俱產男周撫之若雙生不知爲戴出也明知縣方獎以勁節啓後子敬卿又早逝媳周氏亦繼姑志守節康熙間知縣張獎以節孝可風

趙氏史存守妻年二十二夫卒家貧孤幼父母以改嫁諭之氏厲色誓死勤紡績育子正諫成立娶徐氏不一載正諫又卒徐年十八與姑同志懇族人爲夫繼嗣趙年八十四卒徐六十有二

高瀆縣志

卷二十二

列傳 兩節

六

趙氏省祭楊會春妻年十六歸楊二十夫死遺二子一女家貧專事紡績養舅姑以孝延師教子楚厚生相繼遊庠楚妻夏氏年十八避兵北湖遇盜抱兒投水死越三日屍忽浮於母氏之河干人駭其異女適庠生吳錫智亦遇亂同死之蓋有母教焉

吳氏庠生王暹妻暹早逝氏撫遺孤王儒督課甚嚴每夜月孤霜書聲與尺刀相聞儒後遊庠娶亦吳氏不數歲儒又逝婦克承姑志育孤錫蕃亦遊庠

孔氏守備芮珂妻珂死於難氏聞欲自刎救免養公姑撫子延達守節及達又夭無子妻蔣氏年二十復矢志不嫁兩娶婦焚焚一室人以爲不愧忠臣之門

陳氏芮繼昇妻早寡子週歲苦貧縫履度日堅守不移子亦早亡媳陳氏亦立志撫孤與姑並全貞操

陳氏邢永高妻子婦史氏永高歿陳年二十七越數月遺腹子勝祖生孝事老翁撫子成立而史氏則勝祖婦也年十七子生三月而勝祖復天史復守節遂婦姑相依以老陳年七十五而終史六十而終邑侯張扁其門曰二代冰霜勝祖子名南正

二李氏者一孔傳隆妻一傳隆之子繼祥婦也傳隆歿妻年二十大家貧內外無依紡績而撫其襁褓子長名繼祥擇於宗家女爲之婦繼祥年十八而娶生子週歲而身又歿傳隆妻哭之哀其婦曰吾命與姑同吾志不與姑同乎遂同守時年二十九逾十數年亦歿傳隆妻又後十數年撫孫成立乃歿年七十七

二呂氏蓋姑與姪云姑適邑庠生王應槐應槐歿未有子迺泣而爲夫求子於舅姑以其夫兄子爲之子長名來初又泣而爲子求婦於父母以其兄女爲之婦旣而生子則相與慶及子甫六

高瀆縣志

卷二十三

列傳 兩節

九

月而來初又歿復相與悲終而相與依以守焉姑年二十二而守守二十八年而卒卒之日異香繞室不散婦二十六而守歷四十八年年七十四尙無恙

劉氏周明尙妻二十七歲寡不嫁撫子正誼成立正誼旣成立授室以蔣氏越八年而歿蔣又寡亦不嫁劉守節三十五年年六十一卒蔣守節自二十九歲至今六十八已四十年無恙

魏氏廩貢生云吉女年十九適國子生孔毓袍逾七年而寡孝敬翁姑撫二孤子成立孔傳載者其次子也娶庠生何廷載之女爲妻亦逾七年傳載歿時子纔試晬盤氏年二十五則截髮束置夫懷誓與姑同守節不嫁魏先卒年五十八何今年五十六葛氏黃紹先妻子曰閻婦曰諸氏紹先歿葛年二十五撫閻不嫁及閻歿葛猶在諸年二十二亦不嫁撫子且養姑焉葛年七十

終諸六十餘終

趙氏張必朗妻年二十八朗歿氏不食垂死鄰人婦牽其幼子允紀而置其膝上慰諭之乃食紡織撫允紀而教之長娶傅氏而傅氏賢女也既來歸趙悅顧允紀復不壽歿時傅年二十六兄弟欲嫁之乃斷髮刎頸血濡髮淋漓和淚下曰吾豈禽獸哉吾猶覩然而爲人也姑守與俱守耳於是趙益悅爲繼以子趙年七十二而終傅今年五十餘

趙氏邢可教妻可教天氏年二十五撫孤仲達而不嫁後仲達復夭婦陳氏年二十一亦撫孤不嫁

王氏年二十適高啓相逾五載而寡翁老姑歿有繼姑氏孝事之撫二孤子成立而次子高日瑞妻魏氏年十九來歸逾二載亦寡時王氏猶在堂魏依之人或欲奪而嫁之誓死不移王先卒

高滄縣志

卷二上

列傳 兩節

二十

年七十二魏卒年八十一魏無子繼高裔

趙氏吳啓蜚妻啓蜚早歿氏年二十五不嫁其子曰建位亦早歿婦陳氏年二十七亦不嫁趙撫子陳兼事姑趙守計六十九年陳四十九年同節且同年後先卒

孫氏適庠生邢順慶年二十二慶歿無子撫慶從子紹箕以爲子長娶卞氏卞至年二十八箕復歿無子卞亦撫箕從子以爲子孫年七十九而終卞今年六十子庠生名之玠

孫氏適禮部儒士夏昌華生子貢連昌華歿氏年二十五曰吾依貢連矣遂撫之及貢連長娶姜氏生子開肩而身又歿姜年二十六於是孫氏泣而語姜曰吾依貢連及汝貢連歿矣汝當去焉依姜乃攜開肩泣而前以撫孤對兩嫠婦相依終焉姜守節與孫同而夫與姑疾割股者再孫年六十九卒姜七十六卒

魏氏高乃瀕妻年二十五順歿撫子培楷長而娶柳氏未兩載年
二十二楷復歿乃婦姑同節焉魏年六十九卒柳今年六十一
夏氏袁大庚妻生二子年二十一大庚歿氏不嫁其長子曰益助
一娶魏氏未生子而益助又早歿魏乃請於姑繼夫弟子亦不嫁
柳氏邢蔭麟妻其子復繩娶夏氏蔭麟歿時氏年二十紡績撫復
繩成立顧復繩又天夏年二十二一幼孤在襁褓夏曰有子矣
而柳曰且抱孫遂誓相依以守焉

汪氏郭承祖妻嫁逾年而承祖歿無子乃繼一子而撫之長名凌
文娶傅氏及凌文又歿時子纔三歲汪猶在堂遂婦姑相依以
守焉郭之先微者也二氏訖能自立以節表見汪二十而寡傅
二十六而寡俱邀邑侯給扁額獎 以上姑婦同節

魏氏庠生魏瑄女年十七適王大來甫九月而寡毀容厲節孝養

高涇縣志

卷二十一

列傳 兩節

三

舅姑越三年舅卒姑遺腹生子大桂氏代之撫備恩勤復抱楊
姓女長養而配之生二子立其長爲已嗣後桂亦早世楊復守
節楊與魏妯娌而感恩同婦姑嘗割股療魏病先魏八年卒魏
守計五十二年年六十九卒

劉氏史俊妻而俊弟傑婦吳氏俊與傑俱不壽然俱有子二氏俱
撫子不嫁劉氏二十二歲寡五十九卒吳二十八歲寡七十二
卒 以上妯娌同節

徐氏夏懋倫妻懋倫夭氏年二十七守節撫二孤九範九采爲庠
生八十一終再傳而孫定鼎亦早夭婦楊氏復二十九歲守節
六十五歲終

楊氏陳萬方妻年二十二夫亡氏甘貧誓死繼姪爲嗣亦早逝撫
育孤孫又早逝孫媳趙氏亦志如楊生三子四孫楊身歷五世

苦經萬狀年九十三終 以上祖姑孫婦同節

谷氏王氏邢祖法妻妾也法單傳祚弱谷爲夫納王得子法病卒谷年二十四王十九合心守志翁姑存歿二氏經紀盡禮年俱七十餘卒

楊氏國子監儒士孫宏祚妻二十六歲寡守節七十歲卒而尹氏宏祚妾也長於楊二年後楊七年而卒亦守節

袁氏裴氏姜開謙妻妾也開謙歿袁年二十九裴二十六俱不嫁于氏庠生邢仕辰妻其小妻姚氏仕辰歿二氏年俱少俱以節終子于定庠生 以上妻妾同節

一門七節

趙氏陳宗元妻吳氏大廕妻吳氏元順妻徐氏元達妻葛氏元凱妻吳氏嘉貢妻徐氏獻文妻或事姑或撫幼俱孝慈兼盡操守

高瀆縣志

卷二十三

列傳 兩節

三

彌堅邑侯張旌以額曰五世苦節

吳氏陳觀祿妻夫死時氏年十九孝侍翁姑撫育嬰兒茹苦立節無貳逮子成人卽爲之授室不幸子宗璜又死其媳姜氏年二十六幸遺腹生孫氏與孀姑貞操自矢誓死靡他嘉慶十五年學院玉案臨舉人陳秉惠稟白蒙旌給匾額曰貞操松勁四字垂沒之日鄰里皆感泣焉

吳氏陳玉賢妻年二十八寡撫二子成人六十三歲卒其媳魏氏長子前祥妻年二十九寡無子苦守五十九歲卒次媳姜氏前勝妻年二十七寡撫嗣子成立五十四歲卒一門三節鄰里至今稱之

唐氏陳信六妻歸信六不數載而寡撫子南善成人娶媳徐氏生子二南善又卒徐氏年二十七又爲未亡人一姑一媳孤苦零

丁守節以終

陳氏邢恒妻年二十一寡無子繼姪朝鈞鈞又早逝媳谷氏時年二十二與姑同心守節家雖貧無二志繼子紹聞撫養教訓讀書成名

陳氏孫振晃妻年二十二夫亡子三歲家貧撫孤成立子又亡撫孫備極辛勤踰五十八年終媳楊氏孫媳劉氏亦以少寡守節家貧食苦俱有清操二氏於道光二十二年冬飢死至今族人稱之

孫氏夏然亨妻年二十七寡守節至七十五歲卒媳姜氏近開妻年二十九寡與姑同心守志

邢氏夏懷德妻二十四歲守節年屆六旬卒子傳麟妻張氏亦年少守志與姑同節

高澹縣志

卷二十二

列傳 兩節

三

馬氏田增左妻年二十八寡茹蓼荼藜日夜紡績矢志堅貞年六十五卒媳陳氏錫樹妻二十九歲夫死守節矢志靡他撫三歲孤成人年五十終

夏氏陳蘊緯妻家貧守志性比冰霜操全松柏辛勤備至爲子完婚撫孤含哺子毓璜有孝行母卒慟哭而歿媳姜氏亦守節敬老慈幼撫孤守節以終

陶氏沈傳順妻年二十九寡有孤二堅志鞠育終身清操守節三十一年五十九歲卒其次媳陳氏亦以年幼守節撫孤成立
以上姑媳同節未旌

姜氏劉鵬振妻蕭氏鵬振妾年少夫亡合志守節撫孤子成立邑侯高世璋賜額曰雙節

孔氏陳惟環妻二十九歲寡守節十四年卒媳李氏惟理妻二十六

七歲寡守節三十四年俱苦志自守節勵冰霜人稱一門雙節
楊氏孫九麟妻年少守節其弟張氏九鵬妻亦少寡二氏合志守
節日夜紡績撫孤成立俱年至七旬卒

以上妻妾同節未旌

附現存一門兩節

笮氏陳遇信妻二十八歲寡撫孤守志現年六十九歲其媳孔氏
因夫秉瀛殉難時氏年纔十九與孀姑同心守節矢志靡他現
年五十歲

節孝

國朝李氏何朗然妻二十一歲寡時舅氏老恐傷厥心設主私寢
朝夕泣而奠後割股療舅病及舅歿葬以禮無子子夫之從子
焉年至八十餘雍正五年旌

高瀆縣志

卷二十一

列傳 節孝

高

童氏王應槐妻少寡守節姑病割股療之愈雍正十三年旌
孔氏劉世奇妻二十二歲寡孝事翁姑姑病篤割股以進病遂痊
事繼姑孝如前臨歿囑以幼子氏撫之如己子已有子數歲天
乃取夫弟子子焉

孫氏吳翥南妻痛夫死父難守節不嫁嘗四割股療姑病人以為
真不愧配孝子云

郝氏劉朝坦妻二十八歲寡家極貧翁姑欲嫁之為朝夕計氏甘
勤苦就養誓死不從及姑老且病坐臥俱為扶持每晨起必以
舌舐其目眵無難色 上三人俱乾隆六年旌

劉氏孔傳銘妻銘少年重聽多殘病氏事之極謹及銘歿無子翁
姑欲嫁之氏祝髮哭而誓時姑已久病不起翁復患惡疾屋破
不蔽風雨無半畝恒產氏拮据湯藥二十載不少改又撫銘從

子二人饑餓食荼藿不予二從子凍餒後以其次爲嗣 乾隆十二年旌

趙氏陳宗卜妻二十七歲寡事翁姑以孝稱翁亡姑臥病氏湯藥溫清歷三寒暑一日割股爲羹進姑復愈撫孤子至數歲而天因又撫夫之從子爲子焉 乾隆十四年旌

明王氏徐濟邦妻年十九寡割股救姑別目厲節府縣給扁獎之胡氏張仂妻事姑至孝姑病篤割股以救姑立愈府院給扁獎之陳氏張司台妻姑病屢藥不痊氏割股爲羹進遂痊知縣李書額美之

孔氏李以逢妻年未二十孀子甫二歲父命改適堅守不從姑病割股以愈知縣譚申詳獎曰節貴邱園

戴氏陳汝亮妻年十九夫亡家貧勤女紅養姑姑病割股獲痊撫高涇縣志 卷二十三 列傳 節孝 三五

子成立知縣莊獎以冰貞懿行七十五歲卒

王氏生員劉芳遠妻姑病膈垂危氏籲天求以身代越三日有羽士授以草藥煮酒吸氣七日自愈凡七嚙指血和藥病全療年八十五終

國朝趙氏陳有奇妻夫病割股夫歿姑病復割股稱節孝焉

葛氏王右文妻克盡婦道姑病割股和藥以愈再病復割股病亦愈右文早世氏冰蘖自矢撫子成立子名孚進士官連江令

楊氏居廷憲妻廷憲歿氏年二十母家欲奪而嫁之婦曰姑老無依焉忍棄之訖孝事姑及姑病割股以愈課子弼爲邑庠生年八十四乃終

黃氏邢邦台妻性至孝嘗割股療父病及姑病亦如之早寡又家貧藜藿自充之死不異

史氏楊貽信 年二十三歲寡事翁姑撫二孤子俱依針指力性至孝嘗割股療姑病及母病亦如之年五十三終

劉氏周廷校妻早寡矢志靡他孝心純篤翁年七十餘癱廢不起氏就臥前跪哺親浣廁踰歷七年不倦卒八十四守節五十六年

楊氏孔毓漢妻年二十六寡慟欲絕以舅氏禮南猶在堂且有姪不死月餘子其我生氏少知書其我稍長教之讀書紡織聲與書聲相間禮南爲霽顏禮南嘗病發背羸甚氏念方書言人肉起羸瘦遂割股隱其事和藥以進果痊後見其我入邑庠乃終徐氏沈懋全妻懋全痼疾便溲俱在床褥不能飲食氏爲揩滌食以乳閱四載無倦顏及歿氏年二十五子纔離抱姑復瘋麻寢食必需人氏衣服飲食之惟謹或有不喜色則跪而慰及卒氏痛心成疾逾年亦卒卒年五十二

高涇縣志

卷二十二

列傳 節孝

三十六

邢氏夏灝齡妻二十七歲寡時姑猶在一日病先是灝齡嘗割肝愈母氏感之至是亦割股以療姑子二人俱撫之成立乃卒

吳氏趙啓檜妻嫁之時年二十越四載而寡家貧姑老子幼氏勤紡織不嫁機杼聲常達旦氏性孝慈嘗割股療姑病遣子就外傅成學業年六十七終

石氏芮賓駮妻年二十夫故越四月遺腹子生家貧年甚少姑遣之斷髮以誓事姑孝嘗割股愈姑病雖飢姑膳必豐今年五十一

孫氏卞存恂妻二十二歲寡誓以死殉姑以撫子諭之止氏性尤孝嘗割股療姑病事繼姑如之母病亦如之今年七十三

鄭氏何廷蛟妻二十三歲寡舅姑慮其年少誦之氏抱幼子斷髮

泣而誓後事舅姑最孝舅氏病嘗割股調羹以進今年五十八
孫氏吳象義妻二十四歲寡撫孤養舅姑不嫁舅氏病割股療之
遂愈舅氏痛伯子無後氏卽以己子爲之後務得懽心今年六
十九

楊氏邢慕龍妻二十四歲寡氏事姑孝遇姑病割股爲羹飲之愈
及夫病亦如之然竟不起無子繼夫從子爲子今年六十四
張氏何春賓妻春賓病癩壞肢體面目氏侍湯藥不稍倦及卒氏
年二十八撫襁褓子事舅氏不嫁舅氏以哭子喪明嘗夜夢神
語以每月七日持戒可愈及如言果愈忽一日目痛不治數之
則廿七日焉氏乃泣而禱諸神割股和藥進夜復夢前神語曰
汝瞽矣念汝子婦誠孝愈一目後左目果愈氏今年五十九

楊氏邢復後妻後歿氏年十九撫孤子孝姑姑嘗病氏割股愈之
高涇縣志

卷二十三

列傳 節孝

二十七

逾十年姑復病氏割股如前後姑延壽至九十二乃終殯墓委
曲盡禮今年四十九

徐氏夏暖妻早寡孝敬翁姑遇疾病卽呼天求代後先割股肉以
進年七十六卒

田氏趙士鰲妻二十六歲寡孝養翁姑割股療翁病撫幼子成人
節婦

明章氏李德祚妻德祚病氏籲天求代割股療之然訖不起時氏
年十九無子撫夫從子華岳而教之長籍鄉校復補國子生氏
茹荼凡四十餘年泰昌改元巡按駱題請建坊旌表

蕭氏年十六適陳時美二十二而寡家貧甚無子或勸改適氏曰
姑老誰依乃日勤女紅以養鬻衣飾營夫葬虛墓地右俟同穴
碑石留鏤已名年六十五有司止其事萬曆二十三年建坊

劉氏貢生尙敬之女適孔應昌年十九而寡無子苦志堅守崇正三年按院龔學院蔡奏請建坊旌之年六十五卒

王氏楊紹春妻未嫁而紹春病癩肢體俱廢腐臭不可近紹春父母諭氏家別嫁之氏以死爭乃歸紹春揩滌抑搔凡春痛患處皆一一爲口舐是時春已不知男女居室矣明年春就木氏泣而請於舅姑曰生不能結髮以事君子死當同穴願留棺臥內待婦亡行合葬焉許之氏與春柩同一室閉門五十年飲食起居必以手扣棺呼及卒年六十四棺扣處指痕深寸餘知縣丁異其事具詳御史毛禮部劉疏請建坊

劉氏葛善三妻善三亡氏年十八孝姑撫幼子成立邑侯項上其事按院宋學院史合疏請特旨旌之

施氏增廣生吳近伯妻守節五十三年百苦備嘗無可名數萬厯高涇縣志

卷二十二

列傳 節婦

三八

三十七年御史疏請建坊旌表

陳氏孔尙武妻年十九尙武歿姑老子纔週歲氏剪髮納棺誓守後有欲奪其志者氏曰死在此室更無他地崇正庚午知縣莊詳院題旌曰節凜冰霜年七十二終

張氏年十七適增生陳時召召病氏割股和藥進召卒斷髮置壙爲同穴信誓巡按楊疏請建坊年七十三卒

上八人俱明時旌表

國朝袁氏年十五適邢道悌逾年道悌卒子甫彌月父母欲奪其志氏嚙指血自誓撫稚子經教之學爲邑庠生邑侯崔掄奇詳直指題請以旌

孔氏傅懋哲妻十九歲寡撫孤守節五十餘年邑侯崔詳御史上官督學李各贈以扁合疏具題奉 旨建坊

楊氏金振昂妻早寡極貧茹苦守節五十三年邑侯張具詳撫院
馬藩憲慕府憲張各給扁題 旌曾孫某庠生

張氏庠生王思誠妻思誠卒氏年二十二哀慟幾絕撫子薇訓以
義方後薇任溫縣知縣守其訓不失廉邑侯譚詳院題 旌年
近百歲卒 以上順治康熙年旌表

沈氏孔衍岳妻未嫁而行岳股折岳祖貞言官經歷而氏祖守墨
官通判貞言曰無累若女孫遂辭婚守墨將許之氏執不可謂
死當作孔氏鬼況生乎及年二十五乃歸岳逾二年生女岳卒
氏哭之慟請立子貞言爲立子天尋立孫又天乃復立毓慶爲
孫焉年八十五卒後毓慶子傳煜上其事 旌之宜興儲大文
著有傳

孔氏國子生邢蔭錦妻忠臣南康簿仕礪孫婦也歸蔭錦執婦道
高淳縣志 卷二十一 列傳 節婦 二十九

及蔭錦歿氏年二十三撫孤守節六十餘年事聞 旌表

卞氏陳天柱妻天柱以跌踣致癱廢父國子生于庭辭婚於氏家
氏不可既歸二年天柱歿數月遺腹子生氏事翁姑孝謹撫孤
教之績學見孫雲入邑庠乃終

魏氏曹良鵬妻少寡家貧不嫁勤紡績奉養翁姑 省志悞刊施氏

邢氏陳有能妻家貧孝養翁姑盡禮撫孤成立守節四十餘年

孔氏王一祚妻早歲孀居勤苦奉養翁姑滌滌不缺撫嗣子成人
李氏魏昌隆妻昌隆病三載氏侍奉不怠隆歿孝舅姑撫子成人
孫氏楊詒度妻侍夫疾病艱苦備嘗矢志守貞撫孤成立

陳氏甘振圖妻振圖早喪稚子在襁褓撫五歲而又折乃撫姒次
子爲子忍如所生奉養舅姑一資紡績

魏氏年十八適邢復達又十年而寡撫孤守節事聞 旌表

汪氏孔一傳妻早寡事翁姑盡婦道教育嗣子爲邑庠生

鄧氏孔衍家妻少寡家貧紡績資生撫二子不嫁

劉氏葛自新妻自新早喪氏竭力事翁姑撫嗣子成人

禹氏葛自巍妻早寡勤針指事舅姑撫孤守節

史氏周邦憲妻年十七寡無子繼一子教以義方苦節五十餘年

孔氏童懋仲妻二十三寡辛苦堅貞撫四歲子及遺腹子成立

邢氏孔毓閏妻

孫氏陳開慧妻開慧歿氏年二十孝翁姑撫二稚子守節五十年

李氏張大黻妻大黻病危氏割股和藥飲之姑老失明朝夕侍奉

不離左右撫遺腹子成立

右雍正年旌表

繆氏孔興恒妻早寡守節教子成名邑侯張贈額曰孟母遺風

高淳縣志

卷二十一

列傳 節婦

三十

吳氏年十九適孔傳燾越明年而寡貧無子紡績養翁姑撫嗣子

如所生

孫氏李惟益妻二十六歲寡事奉舅姑教育幼子守節六十餘年

陳氏劉鶴鳴妻二十六歲寡斷髮誓守孝舅姑撫四歲子及夫幼

弟成立後舅氏歿事姑益謹既夫弟成名又歿復撫伊稚子焉

蔣氏史應順妻二十二歲寡痛夫讀書賣志歿慟絕舅姑抱幼子

諭以老稚無依乃節哀厲操孝慈兼至

王氏李居雲妻少寡舅姑在堂稚子在抱氏守節盡孝慈後舅姑

歿復爲營墓地歲飢諭其子捐穀以賑

傅氏吳正度妻正度業儒歿氏年二十二勤織紡養姑教子未嘗

有疾言遠色家貧甘節不玷清聲

下氏孔興衍妻二十五歲寡家貧撫孤成立守節五十年

夏氏袁強如妻少寡善事翁姑撫孤子教之成名

張氏濮陽禮妻恒歿氏年十八撫孤不嫁勤儉持家

夏氏庠生甲女適姜復勝復勝歿氏年二十六時翁姑俱七旬一孤纔六月氏初織爲俯仰資苦節終身

邢氏姜復文妻二十七歲寡事翁姑盡孝撫孤備教育卒年七十

八

朱氏趙近禮妻二十四歲寡其父欲嫁之氏執義從一以養翁姑撫孤辭焉平居寡言笑夫亡尤謹鄰里罕識面者

楊氏濮陽九韶妻二十五寡時兩世孀姑俱在堂三子繞膝氏仰事俯育以紡織供不言勞年五十五終

余氏年十七適劉煜慶不數月而寡父母隣之冀歸甯不可給以母病危乃始歸甯歸則欲奪而嫁之氏寄語劉來接且告之故時煜慶父母尙無恙急放舟來接舟未泊招氏出其父母使追之氏急登舟行水面數十步如平地人皆異之尋撫夫兄子朝講爲嗣教之成進士終身蔬食未及祿養卒

任氏唐士典妻少寡家貧勤十指撫二藐孤成立

陳氏庠生懋祖女夫谷蔚早亡事翁姑撫孤士曠成立爲國子生曹氏楊懋恕妻早寡翁癱廢氏侍奉數年不懈及翁歿姑繼病湯藥益謹凡喪葬俱如禮夫歿時子纔二歲撫之成立

邢氏廩生振澤女年十九適吳民感民感病割股療之不愈撫孤依孀姑一室居家貧歲稔嘗削榆木皮爲食無他志

邢氏年十九適祭昌星甫十月而寡又四月遺腹子生遂撫孤養孀姑曲盡孝心守節終身

施氏張允堅妻坐與母相繼歿父庠生必彤年逾六十弟允達纔

四歲氏年二十四無子不嫁事形如父撫達如子及達娶生子其芬乃撫爲己子焉達芬俱以氏教育得早年爲諸生

徐氏李秉期妻二十二歲寡矢不再嫁守節五十餘年

陳氏吳萬睽妻 沈氏史萬昌妻

陳氏甘振鐸妻二十八歲寡孝事公姑撫四歲子成立

夏侯氏孔繼恒妻 孫氏蔡兆恒妻

戴氏孔傳楹妻楹歿氏四日水漿不入口時舅姑老子幼慰諭之乃強起釐喪紀養老撫幼以孝慈稱

吳氏徐宗國妻二十一歲寡撫子事舅姑不嫁姑歿舅病臥床褥氏捧食飲以匙跪而進閱六載如一日殯葬以禮子璠國子生

胡氏年十七適劉觀標逾三載而寡撫五月子成立守節七十年魏氏通判繼儒女孫也少失父母卽能致哀年十七適芮應廷生

高淳縣志

卷二十二

列傳 節婦

三

二子而寡時年二十八撫孤養舅姑徹其環瑱苦守弗渝

杭氏芮明芳妻芳苦學中寒死氏年十八計殉夫絕粒翁姑聞哭聲低氣微驚問知故則牽其三歲子泣言曰此子在爾夫死猶生也然需爾撫爾殉卽併此子而三矣豈特此且絕我先後血食言畢倒地于是氏惶遽跪扶翁姑起遂壹意撫子焉

葛氏吳方鉉妻二十八歲寡孝姑撫幼守節近六十年乃卒

魏氏王孟棫妻二十二歲夫亡氏嚙指書不二字附殮舅姑相繼病癱氏曲意承奉無倦色無子繼夫弟子撫之成立

吳氏劉朝瑛妻二十二歲寡無子撫夫從子爲子居家嚴禮節及年七十不改子爲銘廩生

邢氏年十七適劉世輿越明年卽寡無子時孀姑在堂夫弟纔十歲氏誓死不去勤針指備孝養姑病湯藥必親嘗裏衣裙履之

屬躬爲澣濯不假手婢女及夫弟娶生子乃繼而撫之長名復
掄籍於校

荀氏孔毓葵妻年二十三夫歿舅姑繼歿子纔彌月夫弟纔數歲
氏矢志苦守閉戶織紡撫二稚成人年七十九乃終

陳氏傅應震妻應震歿氏年十九家貧翁姑老子幼氏朝夕勤針
指俯仰有資孝慈曲盡苦守六十餘年年八十三卒

徐氏蔣正庚妻正庚歿氏年二十七慟絕復蘇顧念老幼無依則
截髮束而置諸棺以誓不嫁事舅姑膳修必豐潔舅歿事姑尤
謹撫一孤子雖慈課詩書甚嚴孫增生襄培以事聞 旌之

陳氏庠生其英女適吳向君年二十四夫子繼歿時翁姑俱老夫
兄子纔二歲怙恃俱失氏曰此老者卽吾父母也少者卽吾子
也吾誰諉哉乃紡織苦守以一婦人身兼子母之職已五十年

高涇縣志

卷二十二

列傳 節婦

三三

吳氏年十七適邢景芝逾二年而寡守節五十四年而歿景芝歿
時以無子爲氏憂曰婦人之義生偕老也死同穴也或不幸分
後先有舅姑在吾與依矣後繼一子恩如已子孫清邑庠生
孫氏年二十歸邢佑吉未三載而寡無子時舅姑俱逝曾祖姑猶
在堂送死養生拮据一手不殊夫在尋繼子省而教之爲諸生
錢氏邢振周妻明進士雨之女弟也年二十嫁又五年而寡又五
十九年而後歿事翁姑備敬養撫孤子兼愛勞子天婦復守節
邢氏劉正蕃妻年二十三未生子而寡家貧紡績養翁姑繼夫從
子以爲子後子天身歿族人哀之復繼以孫焉

李氏卞正逢妻二十五歲寡撫孤事翁姑不嫁苦節四十七年

曾孫
紹書

袁氏柳長禧妻旣嫁之明年年二十而寡事翁姑潔滌澹家貧佐
以機杼姑老患瘧疾氏朝夕扶持之不頃刻離無子撫夫從子

昇爲己子補國子生

曹氏邢朝奏妻朝奏歿氏年二十痛夫早亡朝夕哭無時家人未嘗見其乾淚毀形容鵠立目盲齒落撫孤足不出戶者四十六年孫名涵邑庠生

張氏年十七適下豫坤未一年而寡越五月遺腹子生時豫坤尙有母氏曰孀姑在堂嫠婦不去室矣遂壹意養姑撫孤又豫坤從弟豫悅纔三歲新失母氏併撫之成人人以爲節兼孝慈云
方氏葛自紘繼妻 夏氏楊純策妻 劉氏徐貞臣妻

王氏劉士富妻年十八夫亡無子紡績育嗣子酷暑苦寒不少輟
王氏高立相妻 葛氏陳于桐妻

許氏劉開桐妾年二十桐歿閱數月遺腹子生撫之及子生五歲而夭嫡憐其年少嫁之不從乃撫嫡子子紹賡爲孫焉

高滄縣志

卷三十一

列傳 節婦

三四

李氏周廷萃妻廷萃力學早夭氏痛絕誓身殉家人勸之曰若死舅誰養且安所置此呱呱者乃不死氏啣哀忍痛事舅二十餘年以孝稱教其子爲聘籍郡校年六十三終

甘氏唐九歌妻其生同年及九歌以二十七歲卒氏恨與同年生不與同年死矢必與同穴遂壹志養姑撫孤稱未亡人以待百歲後歸焉

陳氏唐士俊妻二十三歲寡守貞孝事翁姑撫孤子成立

蔣氏孫實隆妻嫁五年而寡閱數月遺腹子生家貧舅病歿時衣裝盡鬻爲藥餌棺衾費至是夫又歿繼姑在堂勸之去氏泣不應機杼井日竭力以養姑撫孤得姑歡孤亦成立凡守節五十二年七十八乃終

陳氏年十七歸吳雲越二年而寡撫孤守節又五十六年而歿

邢氏趙近尹妻嫁之三年年二十三寡守節五十一年共歷年七十四卒

張氏趙錫照妻錫照貧病早歿父母俱八旬二子纔數歲氏痛欲殉念老幼無依不死日攜幼孤致婉容於舅姑之前而暗掩淚泣勤紡織機杼聲常達旦及舅姑相繼歿率子撮土披衣裙爲墳年六十二終

陳氏孔毓鎬妻二十二歲寡事繼姑不缺甘旨無子撫夫兄子如已出持齋守節四十三年

趙氏葛紹崧妻

吳氏楊仕元妻 施氏楊懋康妻 谷氏李邦穀妻

徐氏陳升揖妻二十五歲寡痛夫讀書早世誓不玷年六十二終吳氏庠生趙其維妻讀書工詩文而其維又英彥夫婦屬和有賓

高淳縣志

卷二十一

列傳 節婦

三五

友之風其維卒氏年二十四無子守節俟夫兄弟生子乃各繼其一教育之曰連璧曰憲俱庠生

孫氏庠生劉震慶妻震慶歿氏年纔二十痛絕復蘇有遺腹閱三月生男遂撫藐孤與繼姑偕曲盡孝慈年七十五卒

徐氏邢阜妻阜庠生以禮刑家及卒氏截髮誓守撫孤一如阜在史氏陳道瀛妻二十二歲寡斷髮誓不二夫家貧勤紡績孝養孀姑慈育幼子常自忍凍餒節衣食爲俯仰資閱四十年不改節孔氏吳晉崧妻早寡矢志不嫁撫孤成立守節三十三年

夏侯氏谷毓順妻毓順歿氏年二十三悲不食舅姑慰諭之乃強承命遭凶殺爨烟斷氏紡績爲孝養資而自取草木根皮雜糠覈食之無子以夫從子爲子撫之成人

陳氏葛至清妻二十八歲寡守節四十八年年七十五卒

孔氏楊敬珏妻 芮氏孫永觀妻

唐氏史光贊妻二十九歲寡家極貧辛勤織紡撫孤延嗣不再嫁
孫氏年二十三適陳朝詢未一月而寡無子矢志靡他夫弟朝賓
敬養之及賓前妻孕子卽指立爲嗣苦節數十年不負賓志

李氏年二十一適陳其濟未五載而寡其濟業儒家貧親老憂無
以爲養氏紡織佐菽水甚悅於舅姑及其濟歿一子纔週歲氏
慟恨不獲死以殉則截髮誓而殮後以親屬無依攜子依母氏
僦茅屋數椽居終身不出茅屋一步

岑氏吳位良妻二十三歲寡孝事孀姑慈育幼子家貧勤針黹爲
計終身茹蔬然秉禮閨門未嘗一與優尼接

唐氏甘懋華妻懋華瘋癩沉疴臥不起氏侍奉數年無難色及歿
氏痛倒地姑攜幼子泣索乳乃強延留紡織以爲俯仰資後子

高瀆縣志

卷二十二

列傳 節婦

三六

長旣娶天婦復踵亡氏拮据悲哀尋又繼孫撫之併爲擇婦焉
劉氏孫士魁妻士魁勤學氏脫簪珥佐費後痛夫不成名賣志歿
則剪髮納諸棺誓不辱時姑老子幼氏仰事俯育備孝慈長子
名敬止國子生

邢氏孔毓松妻二十二歲寡父以其年少欲嫁之氏堅不應孝事
翁姑撫二孤子成立年八十一終

陳氏湯溥妻二十九歲寡守節撫孤子而教之閨門之內嚴而有
禮子名璣邑庠生

陳氏蔣純元妻 趙氏周啓璋妻 魏氏孔毓昇妻

傅氏孔延球妻嫁三年而寡年纔二十一撫孤守節又六十六年
年八十六乃終

葉氏楊洪儀妻儀死氏欲殉勸以姑老子幼乃止訖以節兼孝慈

吳氏李之煜妻年二十三寡孝養翁姑撫孤成立卒年六十六

夏氏楊巒泰妻二十五歲寡孝事舅姑慈育幼子終身完節

何氏張正礎妻二十八歲寡其兄欲嫁之乃斷指以見志孝事翁姑撫七歲孤成人

戴氏王士蕙妻二十一歲寡泣曰吾不難俱死舅姑老矣子幼其何以死遂鬻奩具紡織爲俯仰資歲稔削榆皮食之不改操

楊氏孔傳鵬妻鵬溺水死無子氏年二十五矢志靡他立夫弟之子爲己子撫養成立氏年六十餘言笑不苟

吳氏王伊齡妻伊齡歿氏年十八撫孤甘澹泊不嫁

陳氏傅毓荇妻荇及母相繼喪氏年二十四矢志苦守不辭艱辛撫二歲孤子及夫四歲幼弟成立

楊氏孔傳榛妻早寡父母及舅姑勸之嫁氏不從守貞撫子成立

高瀆縣志

卷三十一

列傳 節婦

三七

劉氏孫麟祚妻祚應試舟回溺於丹湖氏年二十二痛欲同盡或勸之曰若死誠無難然當爲老幼計乃節哀歸櫬壹志事姑撫孤子後子復夭又撫夫從子爲子

陳氏芮大仁妻二十一歲寡不嫁有張姓謀奪之氏斷髮破面推倒屋後壁走避撫孤完節年八十八乃終

黃氏韓爾明妻二十一歲寡遺妊數月生子孝事翁姑翁臥病三載氏侍湯藥無倦色子稍長教之學今補國子生

孫氏李希萊妻二十八歲寡悲哀氣絕姆媢搯齒灌以湯乃蘇時有孕諭以自存爲後嗣計遂嚙指瀝血誓及生果男撫之成人王氏奉祠生員孔繼炳妻炳病痰漉便俱在床褥氏滌澣揩拭無難色及卒氏年二十二姑老子幼乃截髮以誓依紡績爲饗殮歲歉常自凍餒而俯仰無不給數十年不聞笑語聲

趙氏李錫惠妻二十一歲寡家貧撫孤子苦節逾三十年不改
沈氏年二十適谷允馨甫一月而寡痛絕復蘇誓不再嫁孝舅姑
生事死葬以禮繼夫之從子自襁褓撫至成人家貧紡績自苦
無幾微怨悔見顏色

孫氏谷允暘妻暘歿氏年二十舅姑憐其少欲嫁之氏截髮以誓
紡織供養撫六月子成人

谷氏孫廣烈妻二十四歲寡閱四月遺腹子生時姑老又家甚貧
氏辛勤針黹曲盡孝慈

邢氏年十九適沈國賓未三載而寡舅姑勸之嫁不從日勤孝養
撫襁褓子成立

李氏夏增典妻嫁二年而增典以應試卒氏時年二十一悲痛欲
死舅姑慰諭之以其夫再從子爲之子遂守節有孝慈聲

高澇縣志

卷二十二

列傳 節婦

三八

吳氏夏學珽妻學珽痼疾四年不起氏侍奉無日夜及珽卒氏悲
哀毀瘠養姑撫幼孤成人

孔氏鄭啟完妻完歿氏勺水不入口者三日及殮奠祝髮泣而誓
常致婉愉慰舅姑而暗掩淚攜幼子紡織

吳氏楊轂興妻二十七歲寡家貧父與翁欲嫁之不從則私約縛
而遣之氏聞信引刀刎頸鄰女見而呼救之乃止孝翁姑勤操
作薪水不繼常以餅貯水曬日中取溫飲之或浴澣焉無子撫
夫幼弟如子俟其長爲娶生子乃以爲己子

以上乾隆年旌表

以上已旌節婦

